



МОНГОЛ УЛСЫН НИЙСЛЭЛИЙН ЗАСАГ ДАРГЫН ЗАХИРАМЖ

1997 оны 3 дугаар сарын 11 өдөр

Дугаар 567

Улаанбаатар хот

Байгаль орчны хяналтын газрын дүрэм батлах, ажлаас чөлөөлөх, томилох тухай

1. Монгол улсын Засгийн газрын 1996 оны 263 дугаар тогтоол, нийслэлийн Засаг даргын 1997 оны Б/18 дугаар захирамжийг үндэслэн Нийслэлийн Байгаль орчны хяналтын газрын дүрмийг хэвсралтаар баталсугай.

2. Төрийн албаны хуулийн 23-р зүйлийг үндэслэн н.Аюушжавыг 1997 оны 03 дугаар сарын 12-ны өдрөөр тасалбар болгон нийслэлийн Засаг даргын дэргэдэх Байгаль орчны хяналтын газрын даргын үүрэгт ажлаас чөлөөлсүгэй.

3. Нийслэлийн Засаг даргын дэргэдэх Байгаль орчны хяналтын газрын даргаар Тогтохын Соёлхүүг 1997 оны 03 дугаар сарын 12-ноос томилж, сарын үндсэн цалинг 32850 төгрөгөөр, нэмэгдлийг үндсэн цалингийн 20 хувиар бодож тогтоосугай.

4. Газрын албан хаагчдыг ажилд томилж, цалин нэмэгдлийг холбогдох журмын дагуу тогтоож ажиллахыг Байгаль орчны хяналтын газар (н.Соёлхүү)-т даалгасугай.

5. н.Аюушжав, н.Соёлхүү нарын ажлыг хүлээлцүүлэх комиссыг дарваах бүрэлдэхүүнтэйгээр томилсугай.

Комиссын дарга
Гишүүн

Ц.Болдсайхан
Х.Самбаа

Ч.Батсайхан

-Тамгын газрын дарга
-Тамгын газрын боловсон хүчний эрхлэгч
-Тамгын газрын стратегийн бодлого, төлөвлөлтийн хэлтсийн экологийн бодлогын асуудал хариуцсан мэргэжилтэн



НИЙСЛЭЛИЙН ЗАСАГ ДАРГА БӨГӨӨД
УЛААНБААТАР ХОТЫН ЗАХИРАГЧ

Handwritten signature Ж.НАРАНЦАЦРАЛТ



**НИЙСЛЭЛИЙН ЗАСАГ ДАРГЫН ДЭРГЭДЭХ
БАЙГАЛЬ ОРЧНЫ ХЯНАЛТЫН ГАЗРЫН
ДҮРЭМ**

Нэг. Нийтлэг үндэслэл:

1.1. Нийслэлийн Засаг даргын дэргэдэх Байгаль орчны хяналтын газар нь (цаашид газар гэх) байгаль орчныг хамгаалах, зохистой ашиглах талаар явуулж байгаа төрийн бодлогыг нийслэл хотын нутаг дэвсгэр, ногоон бүсэд хэрэгжүүлэх үүрэг бүхий төрийн захиргааны орон нутгийн хэрэгжүүлэгч байгууллага юм.

1.2. Газрын үндсэн зорилт нь харъяалах нутаг дэвсгэр дэх байгалийн баялагийг хамгаалах, зохистой ашиглах, нөхөн сэргээгдэхэд чиглэгдэн боловсруулсан бодлогыг хэрэгжүүлэх энэ талаар гарсан Монгол улсын хууль тогтоомж, эрх зүйн баримт бичгийн биелэлтэнд хяналт тавьж хангуулах явдал юм.

1.3. Газар нь үйл ажиллагаандаа Монгол улсын хууль, тогтоомж, Байгаль орчны сайдын тушаал, Нийслэлийн Иргэдийн Төлөөлөгчдийн Хурал, Засаг даргын шийдвэр, энэ дүрмийг удирдлага болгоно.

1.4. Газар нь нийслэлийн Засаг дарга, түүний Тамгын газрын харъяанд үйл ажиллагаагаа явуулж, нийслэлийн Засаг дарга болон Байгаль орчны сайдад ажлаа тайлагнана. Газрын даргыг нийслэлийн Засаг дарга томилж, чөлөөлөх ба уг газрын зохион байгуулалт, орон тоог тогтооно.

1.5. Газар нь үүрэг зорилтоо хэрэгжүүлэхтэй холбогдсон асуудлаар газрын даргад зөвлөх үүрэг бүхий орон тооны бус зөвлөлийг байгуулан ажиллуулж болно.

1.6. Газрын дарга нь эрх мэдлийнхээ асуудлаар тушаал гаргана. Байгаль орчныг хамгаалах, зохистой ашиглах, нөхөн сэргээх талаар газраас гаргасан шийдвэрийг албан байгууллага, аж ахуйн нэгж иргэд өмчийн харъяалалыг үл харгалзан заавал биелүүлэх үүрэгтэй.

1.7. Газар нь тэмдэг, албан бичгийн хэвлэмэл хуудас хэрэглэнэ.

Хоёр. Газрын үүрэг:

2.1. Байгаль орчны улсын хяналтыг нийслэлийн нутаг дэвсгэрт зохион байгуулж хэрэгжүүлэх.

2.2. Нийслэлийн нутаг дэвсгэрт байгалийн нөөц баялагийг хамгаалах, зохистой ашиглах бодлого боловсруулахад оролцох.

2.3. Нийслэлийн нутаг дэвсгэр дэхь улсын гусгай хамгаалалттай нутаг болон орон нутгийн хамгаалалттай газар байгалийн үзэсгэлэнт түүхийн дурсгалт газар, ховор ан амьтан, ургамлын хамгаалалтын байдалд хяналт тавих.

2.4. Нийслэл хот, ногоон бүсийн экологийн асуудалд эдийн засгийн арга хөшүүрэг, механик хэрэглэх, байгалийн нөөц ашиглалтын төлбөр хураамж, үнэлгээг боловсруулж мөрдүүлэх, биелэлтийг хянахын зэрэгцээ хотын экологийн сангийн зарцуулалтыг төлөвлөхөд оролцож гүйцэтгэл гаргах.

2.5. Аж ахуйн үйл ажиллагаа явуулснаас болон бусад чиглэлээр байгаль орчинд үзүүлэх ачааллын талаар тогтоогдсон үндэсний болон улсын жишиг, хэв хэмжээг мөрдүүлэх

2.6. Улаанбаатар хотын эдийн засгийн хөгжлийн ерөнхий төлөвлөгөө дагуул хотуудын төлөвлөлт, байршилт сонголт, мөн шинээр байгуулах болон өргөтгөн шинэчлэх, тоноглох, үйлдвэр аж ахуйн нэгжийн барилга байгууламжийн зургийн даалгавар, техник эдийн засгийн үндэслэл зураг төсөлд экологийн магадлан шинжилгээ хийж, байгаль орчинд сөрөг нөлөө үзүүлэхгүй байх шаардлагыг хангуулах.

2.7. Улаанбаатар хотын ногоон бүсийн байгаль орчны төлөв байдлыг тодорхойлох, байгалийн баялгийн нөөц, байнгын бодлогыг хэрэгжүүлэх хамгаалах, нөхөн сэргээх, зохистой ашиглах талаар шинжлэх ухааны үндэслэлтэй чиглэл, хөтөлбөр, төлөвлөгөө, төслийг холбогдох байгууллагатай хамтран боловсруулж хотын Иргэдийн Төлөөлөгчдийн Хурал, Засаг даргын зөвлөл, байгаль орчны сайдын зөвлөлийн хуралд оруулан шийдвэрлүүлэх түүнийг хэрэгжүүлэх ажлыг зохион байгуулах,

2.8. Хотын ногоон бүсийн байгалын баялаг (ашигт малтмал, ан амьтан, ургамал, ой мод, газар, ус гэх мэт) түүний нөөц болон орчныг бохирдуулах эх үүсвэрийн бүртгэл судалгаа гаргаж байгаль орчныг хамгаалах бодлого боловсруулахад ашиглуулах.

2.9. Цацраг идэвхт болон химийн бусад хортой бодис, нефть, хий, үйлдвэрлэлийн хаягдлыг тусгайлан хадгалах, булахад байгаль орчинд сөрөг нөлөө үзүүлэхээс сэргийлэх,

2.10. Байгаль орчныг хамгаалах, нөхөн сэргээх, улсын даалгавар захиалгат ажлын биелэлтийг хангуулж гүйцэтгэлийг тогтоосон журмаар гаргуулах,

2.11. Байгаль орчныг хамгаалах, нөхөн сэргээх ажилд албан байгууллага, аж ахуйн нэгж, иргэдийг өргөн оролцуулж ардын уламжлалт зан үйлийг хөхүүлэн дэмжүүлэх, хүүхэд залуучууд хөдөлмөрчдийн экологийн боловсрол хүмүүжлийг дээшлүүлэх, сурталчлах ажлыг холбогдох байгууллагатай хамтран зохион байгуулах.

2.12. Газрын үйл ажиллагаатай холбогдсон сөнхүү, тайлан бүртгэл материал техникийн хангамжийн асуудлыг шийдвэрлэх.

2.13. Өөрийн байгууллагын боловсон хүчин, ажиллагсадын хөдөлмөр хамгаалал, нийгмийн асуудлыг шийдвэрлүүлэх.

Гурав. Газрын эрх

3.1. Нийслэл, түүний ногоон бүсэд үйл ажиллагаа явуулж байгаа улс, хоршоолол, олон нийтийн болон аж ахуйн нэгж, иргэдээс байгаль орчныг хамгаалах хууль тогтоомж зөрчсөн үйлдлийг таслан зогсоож, зохих журмын дагуу арга хэмжээ авах, буруутай байгууллага, аж ахуйн нэгж иргэд (түүний дотор гадаадын болон хамтарсан)–ийн үйл ажиллагааг тухайн зөрчлийг арилгах хүртэл

түр зогсоох, хэрэв бүр мөсөн зогсоох шаардлагатай гэж үзвэл энэ тухай саналаа Байгаль орчны яам, нийслэлийн Засаг даргад тавьж шийдвэрлүүлэх,

3.2 Экологийн хувьд зөвшөөрч болохгүй үйлдвэр, цех, аж ахуйн нэгжийг шинээр байгуулахад хориг тавих,

3.3. Байгаль орчны байдлыг үнэлэх, хамгаалах тодорхой асуудлаар магадалгаа гаргахад шаардагдах мэдээ баримт, судалгааг холбогдох байгууллага хүмүүсээс гаргуулж авах,

3.4. Хот дүүргийн төр, захиргааны болон улс, хоршоолол, олон нийт, аж ахуйн нэгж, (түүний дотор гадаадын болон хамтарсан албан байгууллагаас гаргасан шийдвэр) тогтоол, тушаал, захирамж, заавар журам, аргачлал, техник технологийн шийдэл нь байгаль орчныг хамгаалах хууль тогтоомжид нийцэхгүй, байгальд сөрөг нөлөө үзүүлэхээр байвал түүний заалтыг хүчингүй болгуулах буюу өөрчлүүлэх тухай шаардах, дээд байгууллагад нь тавьж шийдвэрлүүлэх,

3.5. Хотын нутаг дэвсгэр, байгалийн нөөц баялгийг зохистой ашиглах, хамгаалах экологийн тэнцвэрийг хадгалах талаар санал дүгнэлтээ Байгаль орчны яам, нийслэлийн Засаг даргын Тамгын газарт тавих,

3.6. Байгаль хамгаалах хууль тогтоомжийг зөрчиж зөвшөөрөлгүй бэлтгэсэн мод болон байгалийн бусад баялаг, ашгийн холбогдол бүхий хэрэгсэл, арьс, бүтээгдэхүүнийг хураан авч улсын орлого болгох,

3.7 Байгалийн баялаг, газар ашигласны төлбөр, торгууль бусад хураамжаас хотын төсөвт орсон орлогоос байгаль хамгаалах арга хэмжээнд зориулж зарцуулах талаар саналаа Нийслэлийн Иргэдэийн Төлөөлөгчдийн Хурал, Засаг даргын Тамгын газарт тавьж шийдвэрлүүлэх,

3.8. Байгаль орчныг хамгаалах чиглэлээр хийсэн үзлэг шалгалт илэрсэн зөрчил, дутагдалтай холбогдсон зураг авах, дүрс бичлэг хийх, шаардлагатай бол түүнийг нийтийн мэдээллийн хэрэгслээр сурталчлах,